

獐

園

繪圖第十五目錄

妖孽

凶宅一

凶宅二

人妖一

人妖二

人妖三

人妖四

人妖五

人產旱魃

人產夜叉

人產怪物

人產蛇

人產魚

人產銅法馬

人產百兒

人產夜叉二

人產雙鵲

人產十八兒

飛天女夜叉

飛天夜叉

疫鬼

爰居

人疴一

人疴二

人疴三

人產五疸义

人產蛇二

人產鰕

人產犬

地血一

地血二

妖魅一

妖魅二

妖魅三

妖魅四

妖魅五

妖魅六

妖魅七

獲鹿吟詩人

亳州騎貍人

歐陽氏壁影

後宰門地影

服妖詩識

匠識

語識一

語識二

日識

歌識

名識

妖夢

雞籠

龍戟

龍關

龍陣

妖蛟

怪鳥

飛紙

吹被

羊毛瘟

白氣經天

風霾

妄男子

四川災異

黑風

彗星見

大星

夏雪

雨豆

木稼

天鼓

地墳

地血三

地中兒

鯨精

巨人首

妖蛟二

木牛

雨雹

冬雷

怪風

訛言

人變虎

犬登突

雞生兒

豬生象

呖吻共語

豕踞榻

永生人

人變犬

雷擊逆婦變獸

牛食人

疫鬼二

猖鬼敗亡日

繪園第十五

明吳會士人錢希言新譔
宛州尚書郎馬之駿校鈐

妖孽

凶宅一

北京安福衚衕某中貴策相傳其中為魅所宅常多
怪異故居者輒死嘉靖間松江光祿寺丞范公惟正
舍香蘭署秉正嫉邪聞其宅凶竟就居之光祿典夫
人同寢所幸姬某氏床在室東南隅其夜月色橫窓
姬大呼云有白鬚老翁長四五尺突挾一少年登床
可急起家人取火逐之杳無蹤跡明夜復有六七老
翁挾六七少年至光祿命左右持刀迎斫應刃藏匿

或窺其相次入壁角中推索寂々自爾姬病光祿亦
病々加劇矣其魃數々見形如故中庭有大瘡可容
五石漿者無故爆破如飛瓦屑偏燔有聲一日忽見
皂衣人數十曹輦一大棺木進臥內競扶光祿入棺
云此中世界甚樂請相公游其中也光祿驚恨計無
所出謂云我算曆尚不應盡與汝曹夙昔無仇何忍
荼毒至是取魃云然則相公覓一受替者可乎時偶
有翦頭女奴至榻前光祿指之此女奴立詣爇下縊
死少頃魃即奔棺納女奴還視光祿而嚔遂去不見
已而光祿病起姬亦無恙後一年遷官轉質宅于同

鄉張兵部仲謙、有訊張所居安否、答云胡床案几之屬、白晝無故、統屋自行、觸壁乃止、但則交關、移出相擊于中庭、食器常在空中、又投之于地、二三小鐺、常負一大釜而走、殆無寧寢矣、未久、移寓他所、榜于門曰、此宅甚凶、慎勿卜之、不索價而去、王徵君甲子年入京、目擊斯異、

凶宅二

無錫縣蕩口華氏有一室女、年方未笄、每夜更餘、常人矮見、長尺許、三三兩兩、繞床而行、竊以告于其父、父是夜持劍宿于女床、女曰、來矣、父不之見、掘云在此、父即手劍斫之、乃是一血塊也、大如斗、明夕見矮

人無數自地湧出索命口稱何故無狀殺我阿爺速
還命來其怪自一尺長至二三尺高齊屋梁奇形駭
狀不可稱論凌晨舁出棺木引僧道儀從千餘人或
走或馳或歌或哭鼓鉦之聲沸天又明日華氏報于
巡哨官校集軍士百餘人持兵往捕其怪我棗而出
亦持戈戟格關我兵不戰而去官初不信自往驗之
為飛砂所中未及門遽返華氏意所居不祥即日扁
之徙去遂免計大謨親見而述云辛亥年間事也

人妖一

崑山縣城外駟馬橋楊木匠家產一子年八歲矣腰
腹甚大五毛俱全性獐甚或怒而擊人挾力雄不能

制捫其兩臂堅如鐵也有悍少年數輩抱持之乃不得動驗其陽亦壯偉與丈夫無殊史稱人妖厥是謂
妖萬曆庚戌夏六月營將朱桂芳來說

人妖二

江南嘗有赤面瞬目白鬚髮矮人傳是社日所生
時即爾終不能變是名人妖

人妖三

康州村落有一老嫗鷄皮宜髮狀如山精年類百餘
歲人耳中藏五穀時呼其子孫用銀窰耳爬出黃
白二種秔秫二稻米大小麥五色荳粟不竭日可
得一升許不測何所從來村人戲呼其兒曰倉耳子

人妖四

數年前蘇城有瞽目小兒、不知姓名、時可十五六歲、用兩手于人家版扉上作搗鼓拍板鳴琴拊瑟敲鐘磬擊之聲、口中吹出笙簫篳篥管諸樂、聽之皆合五音六律、亦能半面笑、半面啼、如唐時壽安男子、與朝野僉載所紀人妖、更增異矣。

人妖五

萬曆己酉年、太原府諸地有人妖異常、未幾復有牛妖、形狀不一、並見邸報。

人產旱魃

京山李氏第四母舅陳翁家、有給使婦人產一旱魃。

形如猿猴其頭面上仰眉目口鼻皆向天產下置地
能行急趣出門莫知去向家人跡之不及矣相傳旱
魃乃龍種天恐墮雨其口中故旱毛詩所載不誣也

人產夜又一

萬曆丙午上方山下編戶陳妻許氏產一夜又相傳
江南民家婦女略有姿首或性多邪淫便為五郎所
馮愚而貪者反利其有日漸相安至則出外避之金
銀珠翠充牣室中其婦女與五郎交合便懷鬼胎生
子女如夜叉羅刹之狀頭有肉角遍身作藍澱色啼
聲如嘯名曰鬼雛父母愚而殺之諱其說于鄰里至
市井之家凡有五男者不曰窮五郎則曰富五郎尤

可笑異

人產怪物

京山胡方廉官製其弟婦媿身生一怪青面赤髮齒如鯨目如獠身皆靛色產下便椎殺之其家女奴復生一肉團如絛囊然盤旋于地刀劍斧鋸椎杵皆不能入火焚之亦不燬後卒棄之野中聞于李博士

人產蛇一

蘇城舊有舉子其婦病症形如黃葉匠藥之功罔奏家有小樓當街婦常凭欄而眺忽一客過其下數目婦不已婦誤為挑已也怒告于舉子使人跡之乃是吳興凌漢章舉子曰神匠也急追不可失遂致之家

漢章曰：君婦失今不治，三日後死矣。今袒其胸，當心下一鍼之，婦便絕倒于地。闔家倉惶，漢章曰：無憂也。趣滌廁，其以復移時，果甦。呼腹痛甚，立產下一蛇，頭目手足，鱗甲畢備。藥鍼乃貫其目，因知術之神妙矣。

人產魚

萬曆己酉，石湖民陳妻許氏產一白魚，壬子，蘇城吳妻婉身產一金色大鯉魚，長四尺許，鱗甲燦然。其家大駭，投諸清冷之淵。里人呼其父曰：漁翁，聞于趙居士宿光。

人產銅法馬

萬曆丁未、吳縣石湖民陳妻許氏產痘、又白魚後、又
姓、過期不產、一日請治平寺行敬僧在家轉經祈福、
其夕功未畢、內呼腹痛急、忽產下一胞、訝是何物、破
而視之、乃一秤銅法馬子也、舉家大駭、權之重十兩、
視其背有鑄成字樣、驗是萬曆二十二年置七字、跡
甚分明、至今尚在、尊象圭秀才莊居、與婦家壁鄰、偕
同奉方逢時親詣其廬、傳玩而異之、後復以訪於人、
終不能曉、或疑銅精所交、或疑五郎所幻、未可知、

人產百兒

蘇州城東陸太學邦杰司勳公之長子萬曆己酉年
間、其家人婦產一肉胞而無血、破之、中裹百餘小兒、

皆一二寸許、父母懼、棄之後、亦無他秀才、本茂壻說

人產夜又三

萬曆戊申年、蘓州南潼子門戴紅花家小婦連生二
夜、又父母厭惡、驅令遠棄、癸丑年、玄妙觀前民家婦
產出、但父非常醜怪、榜而迎之、六門衆共辱之、然後
殺棄、甲寅年、閭門外山塘上婦、念姓身將產、夢神教
往光福山中、既至、光福依所親家、其夜產出一夜、父
里婦見而驚走、七日、母子俱亡、

人產雙鵲

華亭縣蕭塘宋氏、其家監徐顯之、得一乳而舉雙鵲、
翠羽啾啾、俄而繼之飛去、後亦無他、孝廉懋澄說是

數年前事也

人產十八兒

宋孝^康產所親家有手下婢產出肉帶子一條帶上共懸十八小兒面目形骸無不具備聯絡如縱觀者雲集其母惧而棄之

飛天女夜叉

萬曆癸丑夏所親王穉庸持古玩入楚中舟經揚子與數客共載客言歛之黃山近有大姓某氏生一子風儀秀朗為娶婦于舊家其家相去數十里已無父母止兄嫂送親薄暮行至中途天漸昏黑新人從車幃中渴甚求飲伴娣開鎖通漿一甌與之聲未定忽

起怪風一陣沙霧漲天捲倒人輩在地移時方蘇送
親者頭面墮損狼狽迴車時已更餘燈燭撲滅伴婆
牽車幃以手捫摸見新人在幃中裹巾端坐如故不
知其非故女為魅所踞也急命役夫隔村乞火昇車
前行比至門曙色動矣草舍未及定情晨妝畢
即謁見舅姑視之姿媚無比舉家驚羨謂是天人歎
未曾有其夜歡讌方散夫婦闔戶而寢中宵聞屋中
研礧之聲又聞何處指牙嚼骨父母熟睡亦不暇辨
也比日向午寂無嚮跡相與撤扉視之則此魅袒坐
于林散髮裂目噉其子骨肉殆盡餘骸狼藉林褥被
簾灑血淋漓僅存趾踵而已大小喊啼怨酷無雙遂

則聞復旋風倏起塵石飛揚嘯聲有如霹靂化為異
形而去不知所在矣後兩家評訟推勘換去之女宛
然在山洞中亡恙家人共相質訊其女如睡方起神
形已癡驚云本在新人轎子裡那得至此方知是鬼
所為而此子竟死聞者莫不傷惋世間食人鬼是多
然黃山之鬼或飛天女夜叉乎按搜神記載東漢建
寧中河內有婦食夫斯亦人妖之先作者也王生不
信狡獪故姓名莫得而詳焉因知唐人小說所記縫
衣婦人蓮花娘子事並非架空之談矣

飛天夜叉

萬曆中吳縣觀察副使馮笈為處州倅時忽有一怪

物、長丈餘、狀如猛獸、色絕白、從空躍下、突入都市中、掠人而去、日以為常、群眾大駭、莫窮其跡、因罷市。馮乃下令懸賞募獲怪物、有獄中死囚、自負勇力、願應募、免罪。馮便召令具責、仍拘繫、代繫放出此囚。伺其往來出入在一石洞、竊踪跡之、匿身洞門、陰令吏卒十數輩持兵仗伏其後、見此物騰空如飛、將欲入洞、因出袖中四百斤鐵錐擊之、似中其腰、俄頃仆地、不能動矣。急呼伏卒共入捕捉、遂獲之。驗是飛天夜叉也。趙徵君宦光小宛堂夜說。

疫鬼一

湖廣京山縣將氏子、在家忽被人引出門、見門外數

百小兒着各色絳衣臂爲不見俄見地上揮數百小
紅旗上書天下大亂四字蔣心動俛首諦視之乃丹
冉映日而沒明夜夢至一處所見符同未幾里中疫
病流行蔣氏家口死者數十人方知是疫鬼所爲李
右丞繼楨橋舟中說

人疴一

萬曆己酉山西太原府兩人共斫而生止一目手足
皆具並是女子數日而死李右丞繼楨時爲廉訪親
見其事記之

爰居

萬曆丙戌太倉州城內某氏園池中墮一海鳥不能

去翼如垂天之雲，群眾不識。曹子念至，識是爰居。州牧遂下令，遣居民供其食，日賈魚肉數十斤，粟數斗，停十餘日。衆力不能給，謀以毒制之而死。明年，即有大疫，民死于饑饉者無算。趙徵君宦光說。

人疴二

萬曆三十七年，蘇州城東牛姑濱上餬工張乙妻姪，身十有四月，生一男一女，兩身相背，夾脊並連，手足各完備。父母殺之，懸于玄妙觀中大槐樹頭。從風簸揚，數日而盡。已下數事，並醫師朱一誠目擊傳說。

人疴三

萬曆三十七年，蘇州閭門外山塘敗船婦石三娘子

產出一男一女對面生、兩腹相連、陰陽具備、其首髀猶人、而四手四足、皆烏形、爪黑色、長數寸、殺而棄之、此婦尚在

人產五夜叉

萬曆二十九年十二月、蘇州城西中街路撫州顧開寶石行婦朱氏產出夜叉五人、一飛去、其四搥殺、以銅鑪盛尸而棄于衢、

人產蛇二

萬曆三十四年、蘇州城西二城橋王文恪公家有女奴懷娠、過期不產、忽產出蛇首人形、復縮而入、乞臣家墮胎藥下之、

人產歟

萬曆三十八年六月、蘇州閭門外山塘吳副使家人婦產一肉球、取刀剖破、傾出白歟可三十餘頭、蜿蜒在地、俱而棄之、

人產犬

萬曆三十三年、蘇州澌墅閔沈龍家有女奴姪身十有五月、產出二犬、一斑色、一純黑色、鄰里無不見之、

地血一

萬曆四十年四月、無錫縣南門侯家市房居民、厨灶地裂、湧出鮮血數斗、鄰里驚聞于縣、令親詣驗之、越明年甲寅、訛言錄興人民奔竄死于道路者不可

勝計

妖鬼一

蘇州閶門外下塘徐開闢之族余之妻黨也嘉靖末
年間有妻伯家使者某自尹山莊居徵租而還出門
太早行百餘步見一黑衣人後來大呼之曰此地不
可獨行我來為君作伴也既至使者面如熟識不記
姓名便與之俱時曉霧漲天前路莫辨其人無以其
所經物導之或曰溝或曰嶺或曰橋或曰泥淖或曰
水坑使者幸免顛躓拍肩把袂恍惚近城至盤門釣
橋下使者先登黑衣人竟不肯上使者曰何故住却
黑衣人曰我不來也莫要我做個怕：：與老兄看

斯須之間、聳其身長數十丈、目赤如電、吐舌至地、亦
數十丈長矣、使者震怖、忽失声仆地而絕、天漸開明、
行人見屍卧橋上、識是徐家幹辦、走報其城外典中、
集衆視之、則辭冷面黑、口角皆流涎矣、嘆髮多指、俄
頃而蘇具述所見如狀、爾後蘇城大小人家遇小兒
啼便止之曰怕：：來也、又常用兩手劈其下腹、赤
肉吐舌以驚小兒、戲曰野貓即効此怪為之者、至今
輕薄子弟、徵逐平康、相率較獵、亦多為此態、俗謂之
做鬼臉

妖魅二

江陰有習禮夏氏家、數見怪、午炊方熟、舉釜看之、飯

二斗悉失去都無遺粒在焉細視逐粒移置堂內窓
櫺格于眼中排列甚勻無一粒重者家有嬰兒甫弥
暮方在地匍匐忽然亡失求之不知處奔家狼狽推
索既徧却偃卧于廁版上垂首下視狀若欲落而不
落良久乃蘇是時江陰釣臺湯氏亦有鬼在家與人
言語飲食如常惟不見形容至具茶魁於空中竊罵
奴曰我独不得一甌飲乎奴不得已傾茶于甌置之
案上輒空中將去微聞激齒聲一生咸駭桔槔在壁
魁率之走為壞及羊犬之屬悉攝以納諸甕中哀祈
乃出後遇虎龍山使者載正一明威錄數百軸至以
黃縑為幘丹書其文二氏遂捐貲買錄各建精廬一

一區供養之。其魅遂絕。案神仙傳云。天人授張道陵以新出正一明威之法。道陵受之。能治病。于是百姓翕然奉事之。以為師。

妖魅三

常熟縣前陳四房。教授里中。有一魅在家。經年矣。推牕打戶。曼嘯長歌。撒擲土灰。飛揚瓦石。假作主人言語。宛然無異。百計遣之。不消。但不見其形。而空中飲食談論如故。家僮捧執飲饌。悉為所分。食還置器。當其喜時。客至互相酬對。且佐主人應答。主人不在。代為送迎。一日有客來訪。從容謂主人曰。子不語近來如何。主人未及應。魅遽作聲前進曰。索隱行即今在。

此間者顛殞而出，此萬曆辛亥壬子年事也。

妖魅四

齊門外木行潘猷言^自十二歲時夏月出門乘涼與群兒校獐為戲群兒走散隨行止小奴其夜微有新月忽見路傍榆樹中湧出一人頭如車輪大髮如猿獾牙如虎豹有三巨目皆深窅光若鏡明直來視猷時小奴已潛身草積間屏息流汗猷四顧無人遂失殺連叫羣兒相救如是數十殺莫有應者已獲小奴率與俱歸將取床頭佩劍擲之聚衆秉炬復采其處已無有矣猷常話此事于人戒令夜無行路

妖魅五

嘉定徐生、少落魄、不事家產、忤容可掬、仰天常吁一
夕獨坐空階、烟凄月黯、四顧幽靚、弔影自憐、家人相
顧而謂曰、卽君神思一何慘怛、徐生曰、去、非爾曹
所知也、久之聞左膝中隱、有人語聲、大駭、戢而其
膝、剗然迸裂、亦不覺楚、忽見走出老少美醜長短肥
瘦數十小鬼、並二寸許、模樣相次、而奔馳于徐生衣
袂間、嗅自竅鬣交口煎罵、生益大駭、連呼家人起看、
悉眠熟于卧內、笑生問其與君等何仇、而來相困、左
膝魁罵曰、冤仇已深、今夕相會、尚能放汝活耶、紛鬧
之際、俄又見右膝亦開、仍走出數十小鬼、模樣如前、
笑而辭曰、鄉輩不過欲索旧欠耳、何得麤行至此、左

膝魁曰、公吾屬五百金、非小事也、安能相放、右膝魁曰、若然、當償吾屬以千金、豈止五百已哉、相與拉擺衣冠、咬嚙頭面、徐生顛沛極矣、苦祈之曰、某家無擔石、妻孥不免于飢寒、何處覓千五百金奉償諸公、惟有一死而已、右膝魁曰、君莫尋死路、明日為買紙錢楮鏹如其數、焚之、慎無後期、吾屬且去、衆便應聲而迴、一齊從兩膝間走入、沈顛之友趙昌侯與徐生善、親見斯怪、所在話焉、

妖魁六

蘇城王天井巷孔家、訓蒙為業、萬曆戊申六月十九日、其母夜出裝香、觀世音祝座前、見有一短身材人、

樵巾緇衣、皆朱裏、先在猊座前作禮、畢繞座三匝、母大怪之、是夜遂由不去、或時見形在半空中、高出人頭二尺許、談未來禍福休咎、貯蟹之間、殼甚清朗、向人索飲食、下筋皆空、孔家心有所欲、雖難致之物、輒于空中以囊襍裹之而下、人有不正者、面刺其非、時申孝廉令人產後疾篤、衆匠束手、遣使者叩之、便歎息云、營救之路穷矣、厥後銀錢珠翠皆能運致、孔家寒素、頗以裕饒、其持性酒詣門祈禳疾病者、晝夜不絕、嘗問其姓、曰姓李、問何所人、曰江西、問何年下也、曰某年豫章鮑李書生、平時唾青紫如芥、不虞橫夭、游魂無依、訴于上帝、不理、投于有北、不受、以

此作地上消搖散人借君家暫託居停耳孔家二郎
始以扶乩召此妖魅後又陰使道士陳鐘禁咒驅之
法不驗魅從空中歎曰如此貧賤何事費却金錢吾
當取還有頃道士之金復歸首尾半年至臘月廿四
夜忽云明日玉帝降神更期某且避却其夜去後往
來漸稀至今未絕

妖魅七

方秀才逢時自言六歲時是萬曆元年初僦居蘇城
外北濠小宅子有母多病止一舊使老婢亦病黃喜
睡時：呼喚不至每夜常有青衣女奴年可十二三
來房給使呼之則不應跡之俄復應去其家無人利

其奔走後竟置之不問矣。歲以造酒為業，其夜蒸飴方熟，釀工搏飴飼遘時，忽聞脫櫺外有聲，歎聲而甚微，已而伸一手至遘時前，其手藍澱色，指短，爪甲纖長，有赤毛連臂，乞分掌中食。遘時怖走，頃之間脫櫺外，言曰：飢甚，從小主人索食不得，望酒師乞我一團。泰于是釀工聞言，遽以少飴搏與之，其手即縮去。又言曰：食甚美，恨其少耳。釀工詬而叱曰：老死鬼，無厭乃爾。曰：是遂絕，復窮其跡，杳然。或云：此餓鬼乞食也。

獲鹿吟詩人

獲鹿曹公時聘，繇蘇松觀察使，驟遷江南巡撫，無幾移鎮濟上。母太夫人老矣，子登賢書，當公在濟上時，

其年癸卯大計有所善某布政入覲北征道經獲鹿
假公空宅以居家口而獨身京師^之宅有外舍大樓不
知何年護鐫布政家館師及減獲輩咸聚其下宿焉
時夜未央月色寒皎忽聞樓上有軍士吶喊鼓其扁
以鎖非人所入衆驚覓起視偉然墜下樓板見一人
從空而降黃巾青衣白腰纏用花綵繖其股手持紅
旗一面其如今之戲場中所粧哨探之狀蓮轉數回
朗吟四句其詩曰好記來年否子肥萬家煙火照晴
輝風塵滿目長安道回首江南事已非吟畢嗟嘆不
勝遂上樓去相次而下上者凡九人咸歌詠此詩衆
乃隨口抄之而粧束五色各別或向布政家人索鞵

應曰無。或索賂。時又應曰無。衆皆疑是綠林將軍也。稱爲大王。既去。呼主家秉燭。啟視樓中。牖戶甚密。周遭無隙。而莫知其來。及明。倉惶徙居他舍。笑時吳人張去非道經獲鹿。還述事狀如此。後聞曹公一門相次淪謝。識者于此卜先兆焉。

亳州騎鯨人

宛州馬翰林之驥。登萬曆庚戌。馬夫人在家。因病。白曰。坐閣子內。忽見屏外有矮人。狀如焦僮。騎一斑狸入來。問何謂。答曰。迎夫人至亳州住也。倏然不見。無幾病卒。其同年韓敬狀元說。

歐陽氏壁影

建昌府編戶歐陽氏西閣子壁上時：幻出閨閣簾
櫳種：諸狀中有一女子據狀而坐。晝清人悄。羅幃
半開。丰姿端妍。代所未識。嘗着足于膝。以邪幅纏之。
微作約繚迫秣之態。纖悉畢具。紅襦宛然。看人逼前。
則漸移其身。映入帷中。紫衣碧裳。點甚分明。久之乃
隱：漸滅。少頃都無跡矣。歐陽氏悵錮鏽其室。後不
知竟如之何。鄧漢卿史與居鄰近。親見其事而說之
也。

後舉門地影

萬曆甲辰乙巳年間。妖書妄作。告姦全興。無不搖手
禁足。宮中終夜相恐。數聞怪異。鼓鉦。皇上與太

子日夜抱頭而泣。羽林軍士扈從警蹕者。浴鍤數重。
至十月十三日。聖母壽誕。百官先詣朝天宮習儀。
舞蹈之際。不覺妖書滿前。無不駭愕。及趨朝。則交戟。
上下妖書滿地矣。明日。皇上盥漱畢。着衣登座。其
書忽在袖中。心稍異之。遂寢其事。不問。第戮矯生
市曹。以伸三尺而已。其時沸傳後宰門外。沿皇城一
帶。墻下地上。忽影出城郭山川樹木人物諸狀。有錢
騎數百臨城。上皆豎旗張幟。兵衛森嚴。隱與畫
圖無異。是日天地無塵埃。影甚分明。觀者如堵。移時
漸滅。如是者積四五日。乃絕跡。後亦無他。竟不詳所
自也。按唐中宗景龍年。東京之西。四百里官路之地。

望如水影人馬橋木行立其上、歷、高、影可俯視、日
餘乃減出杜光庭錄異記、又高郵州有一奇名講堂、
西壁枕道、日晚、人馬車輿影悉透壁上、辰午之時則
無、如此二十餘年、出西陽雜俎、乃知往昔故已有之、
不足為異、故書之、北、殆斯驗矣、

服妖詩識

張次公獻翼、暮年忽改名為殺、師輔申公嘗言、殺字
類殺、非嘉名也、後致書于人田、張殺空首、又頭戴紅
紗巾、身衣木錦袍、上寫菱荷形、紅綠相間、謂之菱
荷衣、余徵其答云、昔年遇一方士、相某身首有血光、
故製此巾服、為厭勝之法、非有他也、又語余云、某生

乎無一善狀必欲自詣于獄一夕而出子為我言于
長洲公曲成吾志無令有阻不然吾且藏刃衣間自
屠而已余掩耳而走是年甲辰春賦得得一蒂三頭
紅芍藥詩手自題箋寄余：怪其中語多不祥有云
頭：並處凝愁黛面：開時映舞衣不是歌成三婦
艷何緣相傍復相依其秋張公竟為盜所殺同時遇
害者七人三婦與焉橫屍曲水草堂前官來驗檢面
有刀痕頭皆相並宛是紅藥詩中景益其識矣然一
蒂三頭豈花妖之先見者乎

匠識

蘇城玄妙觀舊名天慶在卧龍街東屢火國朝復

瓶：之時匠人運斧雲中釘殿西南角椽未畢下有
擔人朱皮匠過停擔看之語諸匠人此殿角竟低了
也匠人曰方欲借爾頭高去皮匠歸其夜無疾而殂
明日匠人便雕刻朱皮匠之形為木偶粧塑于殿角
以頭擔着析柱至今在焉近日重新此殿併修朱皮
匠故像不廢矣

語識一

蘇州徐中丞源家住杉瀆橋東堂鳩工累石建都憲
坊于門窮極壯麗當棹楔未成之日中丞召石匠于
庭責其怠緩將杖之已而左右並請乃見釋既成已
擇時日豎起其夜石匠竊踐糞穢于柱石之上至五

鼓時及矣役夫畢集視其石已被污壞中丞大怒然
不及稽數石匠唱云請問貴人將待洗却而後豎乎
為是豎之而後洗也中丞應云豎後即洗吳語謂死
曰洗建坊未幾中丞果得疾不起一如答匠之言

語識二

余郡林理公文熊閩南人居官操潔而性不能容丁
未冬十月從武闈中出昏夜過余草堂秉燭共談茶
更輒勿告別余謂明度何倉忙若是理公曰後霜
臺下車以來自春徂秋曾無少暇僕每晨起篝燈着
幘時三談着或脫絨纏結不免枉費工夫也余曰然
則何將當閒理公曰期不遠矣輪十指云算霜臺以

某日行事畢，郡縣上計諸僚以某日發大約十一月
望可得燕聞，當從事左右耳。余唯々，未幾理公程于
吏議，遂將母南還，發舟之日，余送之胥江青楓亭下。
正十一月十五日也。得閒之語于此應矣。先是兩年
前，司理與郡丞徐侯采建，議論參差，中生嫌隙。余嘗
稱縫其間，竟莫能釋也。一日，兩人同往朝觀察使臺
而出，行至戟門外，徐以手拍林肩，連聲呼而謂曰：僕
與君一齊同辭官歸去，大樂也。林聞之，愕不自安，洒
然變色。是年冬，徐以母報還楚，林以論列還闕，相去
三日，又符同歸之言。

常熟瞿長公汝稷以尚書履歷官至長瀟都轉運使
尋內擢太僕少卿正四品京堂任子官中妙選也唾
手而得實緣銓曹注意推擇耳然瞿聞報數日遂卒
于任不及詣京拜官識者知祿仕之由命矣外傳瞿
赴職啟行之辰為日者誤選乃天雲不返日也故家
人隨任者相續喪亡僅存其子護喪南還小說載唐
朝李林甫當國凡除拜必用猖鬼敗亡日莫其不終
故宋進士張居正詩曰偃月堂中猖鬼散水晶簾上
美人來為訖林甫而作也考之陰陽家最多猖鬼敗
亡而獨天雲不返逐月輪四五六日然則趨吉避凶
理固有之不可不信

歌識

閭門賣戲終人張甲祖貫軍籍性嗜酒每醉後愛唱琵琶記中萬點蒼山何處是修竹吾廬三徑日以為常後滇南戍所來勾張往補伍竟死于戍鎮人葬之點蒼山下

名識

余先觀察叔父有紀綱之僕曰沈清最善幹辦後遣其入京渡清河溺水而死今人寫沈字即沈字蓋命名之日已兆其識矣

妖夢

有亡叔夙與贈公兄世揚不睦萬曆己酉年除夜叔

夢與兄兩人相見歡然、共至一處、見古堂中大金漆几、甚是明淨、旁置銅盤、高插銀燭一枝、燭下有大端石硯、不知何人先磨墨汁在內、硯旁安二草書筆、叔遂與兄兩人各執其一、醮硯心濃墨、並書毛詩中人之云亡四字于几上、運筆如飛、爭先鬪勝、不知凡幾、百家頃之、盈几皆墨、無隙處矣、相與鬪筆而嘯、忽有二青衣童子從簾下復昇出一几來、與前無少差異、兩人乘興又復鬪書四字如初、凡換三几、墨盡筆秃、燭亦見跋、乃止、忽聞鐘鼓、遂驚寤、及明、是庚戌歲朝也、叔心怪為不祥、以其夢話于子瑛、後月餘、余過廬山下、聞其說焉、私誠瑛曰、此夢至惡、非所宜言、爾其

秘之無何兄之子謙益驟發鼎甲、宗族親戚無不載
羊酒稱賀、余時謂牧夢不踐矣、又無何兄病、叔亦病
兄以五月十六日亡、後終九旬、叔卒、板蕩之章殆
斯驗矣

雞籠

常熟徐昌祚工部尚書拭之孫也、父為典客、昌祚由
任子歷官至比部郎中、頗不自戴、驕鄉里、邦君朝
貴咸為側目、萬曆己酉年元旦、昌祚衣緋腰銀、臨祭
家廟、將入廟門、忽有旋風數陣、吹一雞籠加其頸上、
左右狼狽脫之、冠簪墜失、不勝潦倒、至秋八月、怨家
發其沉姑罪狀、大吏將置之辟、竟斃于獄、按雞籠者老

酉也。龍者，犴狴之象。果以酉年酉月身亡，家破廟門
鐘簾漸生花，鮮安知非尚書之靈先見，咎徵以警之
乎。閩邑人無不知其事。

龍戰

張廣文曾分教維揚，云嘉靖年間，雨七日而水暴漲，
瀕河之地，沉灶產蛙。居民見雨中有黑白二龍，闕于
松樹之杪，林間夜有光如皎月，徐視之，則繞樹皆絡
珠絲，若弥天羅網，莫可近，乃知龍戰為爭明珠，而蔓
延民患不細矣。

龍鬪

萬曆四十年八月，烈風淫雨者浹旬，海虞福山江口，

有龍九條、聞于水中、颺作水溢、壞民室、廬無數、十一月三十日、龍見震澤、

龍陣

萬曆四十一年七月十三日、胥江龍見、所傷室廬禾稼、舟楫不可殫數、有長洲縣諸生金鼎材、其姊婿是梅社顧氏、住盤門內、薪橋弄中、家有小閣、可凭、金生獨坐、遙見城下水勢漲高、數十丈、舟帆悉在半空中、惟載米舡重、僅卷其艙板而去、其小舟點綴如落葉、有沉者、有覆者、有墜于田間者、有墜于他處者、無一得完、細看有青龍二頭、黃龍二頭、垂首下飲于河、鱗甲如鏡、歷々分明、金生親向其師同學方逢時說、

妖蛟

萬曆三十九年五月吳縣西山白馬澗錢尚書墓上
出蛟二條山中水漲壞田廬人畜無算王徵君穉登
有壽藏澗之西庵曰廣長跨澗而居者皆被漂溺
徵君坐松雨樓上看水勢騰湧如城人皆巢于樹顛
牀榻案几農車之屬悉在半空中浮沉上下附載其
上者得不死經數晷漲痕漸平

怪鳥

萬曆十五年五月盡間蘇松嘉禾濱海之地中夜海
嘯湧溢数十里聲如迅雷漂蕩空廬人亡數皆在夢
寐中死于床下梁間樹頭屋角有又無數流屍暴骨

悉填溝壑其年歲亦大稔斗米千錢菜色相望先是
一年前海上有大鳥如鰲鱉之狀迴若車輪黑額掉
尾空濛中作風雨聲鼓翼于風濤之際人咸以為魯
東門爰居識者已預知有此變矣

飛紙

萬曆近年間城東祥符寺巷人家造絳紙為業染成
次第用長竿曝于中庭時夏月午後忽風起不及守
藏有箋百餘番皆長丈餘悉為旋風捲去略盡直入
穿雲隱々漸沒望之若餘霞散綺矣或云天曹取以
供案牘之用按三水小牘亦載有唐時鉅鹿郡飛紙
事焉

吹被

其年五月廿三日大風、城西晒紬被于月臺上、亦為旋風所捲、吹入雲中、小兒喧傳天公取被。

羊毛瘟

萬曆三十二年、吳中病疫、俗傳為羊毛瘟、民家醬瓿、食器中、往往見之、王太學無曲家曰、全僮子掃階前地、每早得羊毛半升許、未幾病者瘳、妖亦遂絕。

白氣經天

萬曆己酉、內臺奏二月初十日夜生白雲氣一道、經天不滅、占之曰、兵起、當有拔城大戰、見邸報。

風霾

己酉三月二十六日、北京昌平鎮懷柔諸縣、申時分

忽然颶風大作、陰霾蔽日、白晝晦冥、樹木吹折、屋瓦盡飛、田野禾苗、土沙壓沒、至二十七日戌時方止、見順天撫臣疏中

妄男子

萬曆己酉二月十一日、北京守衛東華門、忽有披髮瘋顛不知姓名妄男子、在禁城內東廠遣官追捕、此人徑由東華門去訖、欲滅不見、先一夜、司天臺奏有白氣亘天如匹練、狀占曰主兵、又數月來、西方稍南一星獨大而光芒四射、識者曰旄頭、亦兵象也、是歲北虜跳梁、薊門遼海之間、烽火晝驚、人心騷動、此其

應矣、詳見諫官奏疏、

四川災異

萬曆庚戌二月十九日、西川安縣道石城永平五城諸鎮、五鼓後、地大震、數聲、諸將公廨中屋瓦梁木、拉地有聲、如棟突崩、門扉不掩而闔、四境之內、十室九傾、號呼沸天、如是竟日、乃止、閏三月十四日、資縣東城小十字街、西城金帶街兩處、忽有火星飛起、目風發火、東西南北、狂焰四合、延燒廨宇無數、民家總計一千二百八十三戶、明日居人出徙城外、用逃回祿之患、其日復遇江水暴漲、人畜器物悉皆漂沒、城中民免于焦土者、盡為魚矣、又川南道瀘州諸衛、四月

中天地晝晦、山川震動、暴雷怪風發、屋折木、無何雨
雹交下、計掀揭官解教場數十餘處、瓦亦竹樹旗旗
帷蓋之類俱飛在雲中、沙塵暗天、咫尺不辨、凡損田
麥數千餘頃、而黔江一縣為雷雨漲、沃衝城壞岨蕩
蘆瀕野、淪陷不知幾百里也、事見朱御史疏中、未明
何詳、豈天怒至是乎、

黑風

萬曆庚寅七月、族姪達道時為山東曹縣令、其日晚
衙方理文書、忽有黑風從東南暴至、沙塵暗天、滿堂
漆黑、咫尺不相見、強令小胥掖而入、便就寢、至夜半
後、脫間忽起紅光、一室洞赤、良久復暗、凌曉風乃息、

外傳發屋折木傷死人畜馬驢不計其數俄而中丞具狀以聞于朝竟莫測何怪

簪星見

萬曆庚戌二月廿六日邸報司天臺奏簪星晝見自午及暮流光數十丈下入于地

大星

萬曆庚戌七月初四夜更餘蘇城內外咸見有數大星經天或從東亘西或從南絡北光明如晝有移時燿若火樹銀花久之乃滅乘涼人于光中無所不能細及豆花棚上絡緯蟋蟀皆能見之不知是何祥也

夏雪

萬曆十七年大旱夏六月十八夜月中飛雪紛若吹絮攬之皆六出

雨豆

嘉靖三十四年十月廿五日天雨赤豆常熟最多有人拾得一二粒有藏之不變萬曆中吳越間天隕黑雨其點如墨

木稼

萬曆六年冬大雪大冰江南人家樹頭簷下皆結冰花玉綴珠聯奇形環狀撼之鏘然有聲非天工之巧不能幻而成也

天鼓

萬曆甲辰乙巳間、京城內外咸聞天鼓鳴、聲震數百里、見邸報、

地墳

甲辰乙巳年間、北京朝天宮內地忽隆起如墳、丁酉秋、蕭山縣城內地墳血濺樓角、

地血二

萬曆癸丑年六月下旬、無錫縣大市橋一帶村落、地中出血、不信、往視、鄰家掘地二三尺許、皆鮮血、流道如注、高承先壬寅年客于閩、為季興化游、見報、長樂縣民家地血數十丈、

地中兒

蘇州許墅閤前村落相去里許有太平橋、側有一佛廬、復有大榆樹、可合抱、矢離樹四五尺、是田所大路、皆剛土、畊人忽聞其下作小兒啼、因取荷鋤掘之、稍深、得小嬰兒三個、長如箸子、似新產下狀、手足耳目皆歷、具脩、後觀者漸衆、畊人挫殺之、鮮血淋漓、遂不活矣、此萬曆壬子四月間事、屈夢龍親過其地而說之、

蠶精

吳興弁山中皆簇空、相傳為蠶精所蛭、常年夏秋出、見有白氣上亘于天、如素霓之狀、所至禾稼傷損、無算、居民鳴鑼擊鼓喧沸其下、名曰逐蠶、

蚊蛟二

新野縣編戶張家、平地出蛟、俄頃之間、風雲雷電、交集其穴、方圓一席大、爪鬚猙獰、蟠蛇牆上、如有攫拏之狀、家人咸怖走、既出、而室廬摧圯、其牆亦頽、戚伯堅親見之。

巨人首

太倉王奉太常次公世懋、家住州前、先年起造堂皇丙舍、工人掘地、鍾下有瓦、得一巨人首、狀如五斗栲栳大、驗是數千歲骷髏、所謂防風之骨、專車、信而有焉、戚伯堅說。

木牛

萬曆十三年、山東臨邑縣城南民呂中家、木牛見椿。

樹古根、掘土宛然頭目、角吻、無不克肖。

雨雹

萬曆十三年五月十三日、山東臨邑縣雨雹、盡作男女鳥獸形、見邢太僕伺志。

冬雷

萬曆癸丑冬十二月二十六日立春、先一日夜半子刻、忽有烈風暴雨、震雷閃電、一時交作、霹靂數聲、擊人而死。月駕園千年怪柏、為風吹折、遲明乃定。占者謂冬行夏令、主其國潰、至明年甲寅五月果大水、然幸不為菑也。

怪風

萬曆甲寅夏六月十九日、午後、怪風倏起、屋瓦震飛、雨下如注、至暮而止、雷擊死不孝子陳甲于泥壕鎮、其明日二十、復有怪風旋空而至、沙塵漲天、咫尺不辨、威勢更猛于前、恍然發屋折木之象、吳城臥龍街、官橋西首古牌坊、被風吹倒、淪碎無存。

訛言

萬曆甲寅夏四月二十五日、常州江陰縣沿海孟河地方一路、夏政圩間、甲港魏邨間、桃花港數處、盜嘗夜入里殺人、官兵莫救、其日設臺戲賽神、看人逾千、薄暮遇鹽艘數帆、絡繹而來、居民惕于夜警、訛傳倭

至煽惑萬衆奔突、入江陰城、比到、城門閉矣、遂踉蹌走至無錫縣、竟夜奔馳、投明擁入、老幼男女踣藉泥者、不可勝計、宗閭鄰里、拉攏撞接、至有遺骸棄巷、或拋擲道傍、或投溺水面、傷心慘目、不忍見聞、

人變虎

陝西境內虎災屢起、萬曆三十三年、某縣村落有居民兄弟二人、其兄常得一虎皮、學為跳梁、無賴一日持皮入山、罩于深榛草中、四顧無人、便解衣脫帽、以身蒙皮、魁躍數迴、變形作虎、路逢樵夫紅女、攫而食之、了不為異、食飽後、藏其皮僻處、還家作人、而返其婦、陰察奔動、心頗生疑、窮之不諱、竊告其弟、鄉兄非人、

類矣、恐將相噬、弟聞之不信、一日伺其行蹤、隨從而
去、行至深山幽絕、高樹垂陰、弟乃登樹候望、徘徊之
際、果見其兄騰伏翳薈良久、衣皮而出、據地一吼、搖
頭掉尾、跳躑咆哮、居然一斑瀾白虎也、意甚驚惶、乃
徐下樹、還具以白于嫂、共相憤恥、少時、虎為人形、還
矣、婦罵云、卿雙目眈眈、噉人一何飽耶、因爾大慚、淚
史眼角斜張、身漸起、白斑色、便豎一脚、徑出門去、經
數日、忽有白斑虎來、巡行宅舍、號呼數十聲、宛是愴
別、已疾馳去、鄰里忙怕、不敢跡之、時吳人顧郁憲其
志、巡撫陝西、親見府縣申報文書、而話于賓客云、

犬登突

明華亭相公徐文貞階踐撥日久望重台垣一日家人請公祭灶公既至爨下舉頭見犬踞突上坐公略不為動望而揖拜如常祭已焚紙澆酒家人見公怡然亦不加叱逐此犬徑跳下地顛蹶而死相府積年無他故也攜里包衡說之

雞生兒

華亭縣蕭塘宋舉人家有義孫名善緣畜一母雞脫下殼中哺出一小兒頭顱面目與人無異啼声呱呱其家以為怪也棄之河濱數年後緣子陰懷異謀將不利其主人為同謀者所訐問成大辟於獄

猪生象

萬曆近年間、山東張秋民家所養母豬、生五象、在事
官僚、具皆聞見、施起部、尔志向宋孝廉懋澄說、懋澄
傳向希言說、

吮吻其語

直指李公堯民、家山東濟寧州、萬曆戊戌、公以大理
寺丞在告、起造堂屋五間、屋上初粧吮吻、白晝相共
偶語、匠工駭而立、董太史其昌親見敘之、

承踞榻

直指李公堯民家有五張、並在廳事上踞榻而坐、人
視之不為動、經積七八載、而李公卒于家、亦戊戌年
事、董太史其昌說、

豕生人

萬曆二十四年七月、山東張秋鎮朱墾民家豕生一子、頭面手足皆人形、其身猶豕事聞于官、殺而瘞之、時治河司空郎嘉禾人黃承玄也、按京房易妖曰、豕生人頭豕身者、邑且亂亡、晉成帝咸和六年六月、錢唐民家亦有此異、

人變犬

萬曆四十年間、長洲縣南鄉陳湖上舍陸允中家畜一犬、且二年餘矣、雄勁多力、常令守戶、亡何為鄰家愚少張乙竊而烹之、乙既沽酒設馐、飲噉自若、投骨于地、盃盤未空、忽狂惑失度、豎起兩目、向其妻蹲視、

作犬言曰、吾負主人租債三百緡、託生其家為犬、三年償畢、然後為人、今止少半年債耳、我不負汝、何故殺而食我、今我償欠未了、魂無所依、我死安能令汝獨生也、其妻呵叱、便作嗥吠聲、咋其妻喉幾斷、頭面俱傷、鄰里咸至救之、亦被齧損、相引而走、直入陸家、伺其所止、壁角敗垣、藁積存焉、踏踐成窟、盤踞而臥、主人就視、若搖尾然、宛然犬也、其妻至、則憤跳搏攫、終莫敢近之、果經半歲而宛胥門陳大儒傳說

雷擊逆婦變獸

萬曆年間、莆田縣民家三婦、並不孝于姑、震雷擊之一婦、變為牛、一婦變為豕、一婦變為犬、其頭與手犹

人醉皆歎矣。陳舉人為縣時，親見之。後遇莆人至，詢云：牛豕皆死，而犬尚存。曹明府向陳大儒傳說其事。

牛食人

萬曆癸巳，湖洲范祭酒莊客家牛與人鬪，咋殺其人食之。其年范公罹于家難。

疫鬼二

東楊民俗，歲除夜，里中男女相聚，叫譟，擊鉦鼓，奔爆竹，喧譁不絕。謂之驅疫。率以為常。時蕭山縣天官尚書魏驥致政于家。其年椒筵初散，率子孫出步大門外。忽于燈火光中，見有一群藍縷疫鬼，紛然滿路，往來衝突，如投奔狀。尚書笑云：何其鬼怪之多若此哉！

遂厲聲叱曰汝等小鬼今夕且宿吾里中明日可往
西村土豪王家去言訖隱々聞嘯聲左右但見公指
畫處分如與人言而不覩其形也至春西村大疫凡
王姓者皆遺疫殆牙遺無有矣而尚書所居之境獨
安然咸以魏公為神明先是尚書為廣文時分校某
省鄉場出赴鹿鳴宴主司傳命召神相袁生少頃即
到主司指而謂曰此柳莊之子也令細看與宴諸君
孰貴而袁生獨詣魏廣文席前拜手賀曰官居一
品壽至百齡奉座無不掩口後以鄉科躋八座年至
九十八而終竟如言

萬曆辛亥春吳縣相公存日、申太僕用懋為兒娶婦
松陵命叢辰家撰日、誤犯猖鬼敗亡、其奩香車鼓樂
列燭成行、自胥門入、逶迤由東首太平橋、迤北而西、
經鄰家、預參政宅前、過稠人廣衆、聚觀如堵、參政眷
屬亦出看之、其中一女奴無故驚曰、此嘉禮也、奈何
使慘服者立車之下哉、已又驚曰、爾許蓬頭人相隨、
車後來也、言未已、群鬼悉擁入參政宅中、拋棄靴履、
拉擺屏障、設食祭之、招盤俱碎、此女奴便姿態失常、
寢發狂嘔十餘日、乃魃是諸猖鬼、亦稍減跡、相公
府中竟平安如故也、許復初說、